

L

93003



930030

┐

S



SUPERVISOR'S USE ONLY



NEW ZEALAND QUALIFICATIONS AUTHORITY
MANA TOHU MĀTAURANGA O AOTEAROA

Scholarship – Te Hiranga 2013 Te Reo Māori

2.00 pm Rāpare 21 o te Whiringa-ā-Rangi 2013

Te wā: E toru haora

Te Tāpeke: 24

Āta tirohia kia ōrite te Tau Ākonga i te Puka Whakauru ki te tau o runga ake i tēnei whārangi.

E RUA ngā wāhanga ō tēnei whakamātautau.

Whakautua ngā pātai KATOA ki ngā wāhi wātea kua whakaritea.

Tirohia mehemea he tika te raupapa o ngā whārangi 2–14, mehemea hoki kāore he whārangi wātea.

ME HOATU E KOE TE PUKAPUKA NEI KI TE KAIWHAKAHAERE HEI TE MUTUNGA O TE WHAKAMĀTAUTAU.

Ngā Paearu	Kaute Tōpū
Tikanga	
Reo	
Kaupapa	
NGĀ WHAKATAU IHO	/24

TĀ TE KAIAROMATAWAI MAHI ANAKE

Me oti tēnei whakamātautau i roto i te toru hāora.

HE KUPU WHAKATAKI

Tēnā koe kua uru mai nei ki te whakamātautau a Te Hiranga mō tēnei tau. He whakamātautau mā te tauira e ako ana i te reo Māori, ā, e mārama ana ki te whakamahi pūkenga reo torohū, pūkenga reo whakaputa hoki.

TE WĀHANGA TUATAHI: HE PĀNUI – HE TUHITUHI

E RUA ngā tūmahi ō tēnei wāhanga:

TŪMAHI TUATAHI: HE PĀNUI

He pānui aroā: *Te Ao Māori – E aha kē ana?*

Ngā tohutohu

Āta pānuihia te tuhinga kōrero a Timoti Karetu. Kimihia ngā rerenga kōrero ōrite nō roto i te tuhinga, ā, tuhia ki ngā wāhi kua whakaritea.

TŪMAHI TUATAHI: PĀNUI***Te Ao Māori – E aha kē ana?***

Nā Timoti Karetu

Kua roa au e whakaaro ana i a au e huri nei i ngā marae o te motu me te kite i tā tēnā iwi

He motuhake kē tēnei rauemi, e kore e taea te tāruatia. Āta panui i te mātapuna (i panonitia) nei: Te Kura Whakapakari Reo (Wellington: Te Taura Whiri i te Reo Māori, 2001), p 50.

tangata e whakarongo me pēhea kē nei e mōhio ai he aha te aha?

TŪMAHI TUATAHI: PĀNUI – HE RERENGA KŌRERO ŌRITE

Tuhia ngā rerenga kōrero ōrite mō ngā rerenga e whai ake nei:

1. ka haere te wā, ā, ...

2. ana, ka tīmata i hea ka oti i hea.

3. mai tētahi pito ki tētahi pito

4. mā te kaikōrero o muri mai e whakarauika i ngā whakaaro katoa,

5. kua kore te ito, te matū, te niko, te whakataurangi ake o te kōrero.

6. te taringa mārō

7. te haere poka noa?

8. kāre he kaikawe kōrero o te ope rā,

TŪMAHI TUARUA: HE TUHITUHI

Ngā tohutohu

Whiriwhiria mai kia KOTAHĪ te kaupapa hei tuhinga ōkawa māu, ā, tuhia mai ōu ake whakaaro e pā ana ki taua kaupapa. Whāia ko ngā āhuatanga tuhituhi nei:

- te tika o te whakatakoto, te ūpoko, te tinana, te whakakao i ō kōrero
- te ngako, te matū o te kōrero
- te whakamōmona, te whakawhānui me te whakahāngai atu hoki i ōu ake whakaaro
- kia kaha ki te arohaehae, te whakapuaki whakaaro
- te whakauru mai i ngā whakataukī, i ngā kīwaha, i ngā rarangi waiata, haka rānei e hāngai ana ki tō kaupapa hei whakanikoniko i tāu tuhinga roa.
- kia auaha te rautaki, kia Māori te wairua
- kaua e iti iho i te 400 kupu.

Anei ngā kaupapa tuhinga.

1. Ko te kai a te rangatira he kōrero, tēnā pīki rūkahu.
2. Kaua tātou e tuku i te reo Pākehā hei kawē i te whaikōrero i runga i te marae ātea.
3. Mā muri ka tika ai a mua.
4. Tukuna te wahine kia whaikōrero.
5. He mate nui ngā tikanga o nāianeī. Kei hea rawa te rongoā?
6. Tangata tūnga ki te marae tau ana.

Mahere whakaaro mō te Tūmahi Tuarua

TĀ TE KAI-
AROMATAWAI
MAHI ANAKE

Whakaraupapa haeretia ō whakaaro ki konei.

Kei hea / Ā hea?

He aha te tino kaupapa?

Mahere whakaaro mō te Tūmahi Tuarua

TĀ TE KAI-
AROMATAWAI
MAHI ANAKE

Ko wai ngā tangata?

He aha ngā mahi?

He aha ngā rerenga tika, kīwaha, whakataukī, whakatauākī, ngā kupu tika?

**E tika ana kia wātea mai te whārangi nei, ā, ka haere tonu
te whakamātautau i te whārangi e whai ake ana.**

TE WĀHANGA TUARUA: HE WHAKARONGO – HE KŌRERO

E RUA ngā tūmahi ō tēnei wāhanga.

TŪMAHI TUATORU: HE WHAKARONGO

He tautohetohe – *Me pēhea?*

Ngā tohutohu

1. Whakarongo ki te tautohetohe a Hana rāua ko Tame e ai ki te kaupapa o *Me pēhea?*
2. I a koe e whakarongo ana, whakarārangihia ngā kaupapa matua o ngā kaikōrero e RUA ki roto i te māhere whakaaro kua whakaritea.
3. Āta whakarongo hoki ki ngā kīwaha kei roto i te tautohetohe nei, ā, tīkina kia rua ngā kīwaha e mārama ana ki a koe.
4. E TORU ngā whakapāohotanga o te tautohetohe, ā, kia mutu te whakapāohotanga ka wātea mai te 15 meneti hei whakarite i āu kōrero whakaputa.
5. **Mutu ana i te whakarite kōrero, hoatu tāu pukapuka whakamātautau me ngā pepa whakarite tuhinga ki te kaiwhakamātautau.**

**TĀ TE KAI-
AROMATAWAI
MAHI ANAKE**

Tangata _____	Tangata _____
Taha whakaae	Taha whakahē

Kīwaha 1/Tikanga	Kīwaha 2/Tikanga

TŪMAHI TUAWHĀ: HE KŌRERO WHAKAPUTA

Ngā tohutohu

1. Ko tēnei tūmahi he momo kōrero tene, he whakarāpopoto i te tautohetohe, arā, e whakaae ana, e whakahē ana rānei i te kaupapa. Kia maumahara, ka hopukina e te kaiwhakahaere o te whakamātautau āu kōrero ki runga i te mīhini hopu kōrero, arā, kia 3 meneti noa iho te roa o āu kōrero.
2. Ko te mahi tuarua, he whakamārama i ngā kīwaha e rua kei roto i te tautohetohe. Kia maumahara, ka hopukina e te kaiwhakahaere o te whakamātautau āu kōrero ki runga i te mīhini hopu kōrero, arā, kia 2 meneti noa iho te roa o āu kōrero.
3. **Ka whakamau i āu kōrero:**
 - (a) Ka heria koe e te kaiwhakahaere o te whakamātautau ki te rūma hopu kōrero nō reira noho wahangū.
 - (e) Kia 5 meneti te roa mō ngā whakaritenga e pā ana ki te mihini hopu reo.
 - (i) Mutu ana tō whakamau i āu kōrero ki te mīhini hopu kōrero, me waitohu e koe te kopae hei whakaatu nōu te reo kei runga.
 - (o) Kua oti ngā mahi katoa.

93003